



REGIONE AUTONOMA DELLA SARDEGNA

DELIBERATZIONE N. 16/14 DE SU 18.4.2006

Ogetu: Limba Sarda Comuna. Adotzione de sas normas de referèntzia de caràtere isperimental pro sa limba sarda iscrita in essida de s'Amministratzone regionale

Su Presidente de sa Regione a cuntzertu cun s'Assessore de s'Istruzione Pùblica, Benes Culturales, Informatzzone, Ispetàculu e Isport

MENTOVADOS sa normativa in matèria de minorias linguísticas e, in particolare, s'art. 6 de sa Costituzione, sa Carta Europea pro las limbas regionales e minoritàrias de su 1992, sa Lege de su 15 de nadale 1999, n°482 (Normas in matèria de tutela de las minorias linguísticas istòricas), sa Lege regionale de su 15 de santugaine de su 1997, n°26 (Promozione e valorizazzone de sa cultura e de sa limba de sa Sardigna), su dibàttitu de deglinas de annos subra de sa netzessidate de ufficializare s'usu de sa limba sarda e las propostas diferentes sulitzitadas dae los diferentes guvernos regionales;

BIDAS las cunventziones – prevididas dae la Deliberazione de la Giunta Regionale n°38/40 de su 27.08.1998 e n°52/105 de su 28.12.1999 e n°59/117 de su 29.12.1998, chi pertocant su cunferimentu de incàrrigos técnicu-iscientíficos in matèria de limba sarda a unu grupu de espertos pro elaborare un'ipòtesi de normalizazzone ortogràfica de sa limba sarda e unu progetu de unificazzione linguistica;

PIGADU A CUNSIDERU chi su grupu de espertos subraditu at elaboradu unu progetu de unificazzione linguistica resumidu in la “Norma de la Limba Sarda Unificada”, no adotada dae s'Amministratzone Regionale;

APRETZIADU, a distàntzia de annos medas, sende de importu su problema de la limba, chi tocat de giùghere a cuncruimentu su protzessu aviadu dae su grupu de traballu mentovadu;

PIGADU A CUNSIDERU chi la Giunta regionale in data 9 de maju de su 2005 cun deliberazione n°20/15 in intro de unu programa de interventos pro la tutela e la promozione de la limba sarda, at prevididu - finas cun s'ausiliu de una Commissione tècnicu-iscientífica – de individuare unu



còdighe linguistiku de impreare dae bandas de s'Amministratzione Regionale in sa traduzione de sos atos suos;

CUNFIRMADA sa boluntade de promòvere e tutelare, finas cun s'amparu de s'isperimentatzione de s'insignamentu e de s'impreu in sas iscolas, movende dae sas de s'infàntzia e primàrias, totu sas bariedades linguísticas presentes in su territòriu regionale;

VALUTADA s'oportunidade de adotare una limba finas pro creare sas premissas de una representàntzia regionale, comente espressione de una limba minoritària, in su Parlamentu europeu;

RELATAT chi, pigadu atu de su cufrontu de ideas e de propostas de sos tècnicos e ispetzialistas de sa Cummissione tècnicu-iscientifica, comente in sa Deliberazione mentovada de su 2005, sunt istadas elaboradas normas de referèntzia, de impreare a manera isperimentale pro s'usu iscritu in essida de unos cantos atos de s'Amministratzione regionale e pro sa traduzione de normas e documentos de importu particolare comente s'Istatutu sardu e sa Lege regionale n°26 de su 1997; chi sas normas linguísticas de referèntzia a caràtere isperimentale pro sa limba iscrita de s'Amministratzione regionale cunsentint de aviare unu protzessu graduale chi punnat a s'elaboratzione de una Limba Sarda Comuna, cun sas caraterísticas de una bariedade linguistica naturale chi costituat unu puntu de mediatzione intre sas faeddadas prus comunas e difusas e aberta a unas cantas integratziones chi serbint pro valorizare sa distintividate de su sardu e pro assegurare unu caràtere de subramunitzpalidate e sa simplitzidate de su còdighe linguistiku; chi sa Limba Sarda Comuna cheret rapresentare una "limba bandera", un'istrumentu pro potentziare s'identidate colletiva nostra, in su rispetu de sa richesa manna de sas bariedades locales;

PROPONET de adotare a manera isperimentale sa Limba Sarda Comuna, comente normas linguísticas de referèntzia a caràtere isperimentale pro sa limba sarda iscrita in essida de s'Amministratzione regionale e pro sa traduzione de atos suos e documentos ufitziales, abarrende firmu, comente prevididu dae s'articulu 8 de sa Lege 482 de su 1999, "su balore legale esclusivu de sos atos in su testu redatzionadu in limba italiana"; de printziapiare su protzessu a bia de sa Limba Sarda Comuna cun su concursu de cuntributos, opiniones, averguos e verificas adotende una soluzione initziale in ue, paris cun una majoria manna de optziones comunas a totu sas bariedades, cunvivent, in unos cantos casos, optziones abertas e flessibiles e chi, biende sa gradualidate e s'isperimentalidate de su percursu, a distàntzia de tempus e in base a sas resurtàntzias e a sas esperièntzias netzessàrias, at a pòdere èssere integrada, modificada e irrichida cun sos acontzos pretzisos; de andare prus a fundu, cun istùdios ulteriores, in su lèssicu,



REGIONE AUTONOMA DELLA SARDEGNA

DELIBERAZIONE N. 16/14
DE SU 18.4.2006

sa morfològia e un'ortografia comuna a prus bariedades;

PROPONET de istituire "s'Ufitziu de sa Limba Sarda" o "Sportello Linguistico Regionale" prevididu dae su progetu "Una limba pro guvernare" aprovadu dae sa Giunta regionale cun Deliberazione n° 17/1 de su 26 de làmpadas de su 2003 e finantziadu dae sa Presidèntzia de su Cunsìgiu de sos Ministros – Dipartimentu de sos Afares Regionales, in cunfromma a sa Lege 482 de su 1999.

Sa Giunta

INTESA sa proposta de su Presidente presentada a cuntzertu cun s'Assessore de s'Istruzione Pública, Benes Culturales, Informatzione, Ispetàculu e Isport;

TORRADU A MARCARE s'impignu de sa Regione a tutelare, valorizare e difündere totu sas bariedades linguísticas faeddadas e iscritas in usu in su territòriu regionale;

DELÌBERAT

- de adotare sa Limba Sarda Comuna, comente in su documentu ligadu a custa deliberazione de sa cale costituit parte integrante, comente normas linguísticas de referèntzia a caratère isperimentalde pro sa limba sarda iscrita in essida de s'Amministratzione Regionale e pro sa traduzione de atos suos e documentos ufitziales, abarrende firmu, comente prevididu dae s'articulu 8 de sa Lege n°482 de su 1999 "su balore legale esclusivu de sos atos in su testu redatzionadu in limba italiana";
- de printzipiare s'isperimentatzione a manera de collire integratziones, modificatziones e irrichimenti;
- de andare prus a fundu, cun istúdios ulteriores, in su lèssicu, sa morfologia e un'ortografia comuna a prus bariedades;
- de istituire "s'Ufitziu de sa Limba Sarda";
- de redatzionare custa deliberazione finas in Limba Sarda Comuna.

Su Direttore Generale

Fulvio Dettori

Su Presidente

Renato Soru